

¡BOMBA!

Construcción tendrá certeza,  
Claudia ya dio la encomienda;  
al fin tendremos vivienda  
y habrá brindis sin cerveza



# k'uintsil

Martes 15 de julio de 2025

CAMPECHE · YUCATÁN · QUINTANA ROO · AÑO 11 · NÚMERO 2520 · [www.lajornadamaya.mx](http://www.lajornadamaya.mx)

## Europail noj lu'umo'obe' yaan u túuntiko'ob jump'éeel aplicación ti'al u ts'aataanta'al u ja'abil máak



Jo'op'éeel u noj lu'umilo'ob UE, tu'ux táaka'an España, yaan u túuntiko'ob bix u meyaj jump'éeel aplicación ti'al u beeta'al verificación de edad; jump'éeel ba'al yaan u yáantaj ti'al ma' u béeytal u yokol paalal yéetel táankelemo'ob ma' u chuko'ob mayoría de edad ti' ba'axo'ob ma' no'oja'an u yilko'ob ts'aaban ti' Internet, beey k'a'ayta'ab le lunes máanika' tumen Comisión Europea.

Comisión' tu ts'áaj k'ajóoltbil u prototipoil le aplicación' ti'al beyo' u kaláanta'al beyka'aj u ja'abil

máak. Yaan u túunta'al bix u meyaj tu lu'umilo'ob Dinamarca, Francia, Grecia, Italia yéetel España.

U tuukulil meyaj, leti' ka'aj u beet cada lu'um aplicación u ti'al, ti'al u ts'áak ba'ax k'aabéet ti', tumen ojéela'an noj lu'umo'obe' yaan jejeláas ba'axo'ob u jets'maj ti'al u kaláanta'al kaaj.

Je'el bix, tu lu'umil Francia, unaj yaan ti' wíinik 15 u ja'abil wa maanal ti', lela' uláak' ka'ap'éeel ja'ab ti' le 13 jets'a'an tumen le plataformaso'obo'.

Beyxan, jayp'éeel u noj lu'umilo'ob Europae'

ts'o'ok u aalkunsik kuuch u ts'áamajo'ob yóok'ol UE ti'al u maas kaláanta'al paalal yéetel máaxo'ob ma' u chuk u mayoríail edad keen oojko'ob Internet.

Yaan noj lu'umo'on k'uch tak u k'áatik ka tse'elek redes sociales ti'al paalal ma' u chuk 15 u ja'abil.

Comisión' tu ts'áaj k'ajóoltbil xan nu'uktajilo'ob ti'al plataformas digitales, tuemn beyo', yaan u ts'aataanta'al u kaláanta'al paalal yéetel máax ma' mayor de edadi'. [Oochel Ap](#)